



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCXLIX. ad annum DCLXXVI.

Parisiis, 1644

Concilium Romanvm In Cavsa Lappensis Episcopi Anno Christi DCLXVII.
Celebratvm.

urn:nbn:de:hbz:466:1-15300

- Sententiam visitandi sua.] sententiam visitandi suam parochiam, his potius inferatur iniuria, & moueat calumnia. Proinde*
- Cap. 12. Ut omnes episcopos.] ut omnis episcopus provincia nostra, si voluerit, Maneat per omnia licentia.] maneat illi licentia.*
- Electione, presbyteri ipsius.] electione sub presbyteri ipsius ordinatione Illi ministretur, ut non.] illi ministrent, ut non egeat:*
- Cap. 13. Qui malum aliquid.] qui malum aliquid, quod leges grauiter damnant, admisit, aut abiiciendi eum Episcopus. Ita paulo post dixit eum esse a clero abiiciendum, non abigendum.*
- Cap. 17. Pœnitentia religatus.] pœnitentia maneat relegatus.*
- Quia & in his discretionis.] quia & his discretionis adhibendus est gradus.*
- Cap. 18. Fideles esse debent.] fideles esse debebunt.*
- Correptione disciplina.] correptione disciplina feriantur. Ita paulo post loquitur, ab episcopo suo corriganter.*
- Cap. 19. Pro singulis diebus.] per singulos dies dominicos sacrificium Recitentur suo in ordine.] recitentur suo ordine.*
- Cap. 20. Non potuerunt; neque a seruitio ecclesie.] non potuerunt, nec a seruitio ecclesie unquam discedere, & pro his rebus Sunt vel fuerint facti.] sunt vel fuerunt facti.*
- Cap. 21. Liberos facere voluerint.] libertos facere voluerint.*
- Cap. 22. Prænotatae sunt superiori.] notatae sunt per ordinem.*
- Quia singulari ordine.] qui singulari ordine non manent constricti.*
- Cap. 23. Persoluimus laudes.] persoluimus grates: tanta maiest. collaudantes. Impendimus opem.] impendimus nomen;*
- Plenius diuinitus sibi.] plenius disponit diuinitus sibi.*
- Nunc & in omnia.] nunc & in secula seculorum. Amen.*

CONCILIVM ROMANVM
IN CAVSA LAPPENSIS EPISCOPI
ANNO CHRISTI DCLXVII. CELEBRATVM.

ANNO
CHRISTI
667.

NOTA.

Causa &
acta Con-
cili descri-
buntur.

^a *Concilium.*] Ioannes Lappensis episcopus in Creta, ab archiepiscopo suo iniuriam passus, appellavit ad sedem apostolicam, & ne interpositam appellationem ipse prosequi posset, inuitus detinebatur. Elapsus tandem venit Romam ad Vitalianum papam, ipsumque obnixe postulauit, atque coniurauit per terribilem aduentum magni Dei Salvatoris nostri Iesu Christi, ut secundum sacratissimos Canones institutaque sanctorum patrum causæ meritum inquiretur, & sententia promulgaretur. Non despexit iustum petitionem appellantis Vitalianus; verum deferens ipsius appellationi hanc Synodus episcoporum collegit, in qua eius causa cognosceretur. Post causæ diligentem inquisitionem & discussionem cognitum fuit ipsum appellantem graui iniuria affectum fuisse; ideoque communi

ANNO CHRISTI 667. suffragio absolutionis sententiam patres huius Concilii eidem comunicarunt. Hæc ex epistola Vitaliani ad Paulum Cretensem supra extante.

VITA,
EPISTOLA ET DECRETA
ADEODATI PAPÆ.

ADEODATVS, natione Romanus, ex monachis, de patre * Iobiniano, ^b sedit annos * quatuor, menses duos, dies quinque. * Tantæ magnitudinis fuit mitissimus, ac benignissimus, vt omnem hominem a maiori vsque ad minimum libenter susciperet, peregrinis compassionem exhibuit, vt etiam vnuſquisque quod postulauit sine dubio * impetravit. Sed & rogam omnibus ampliauit. Huius temporibus * Mezzetius qui erat in Sicilia cum exercitu orientali, * intartizauit, & arripuit regnum. * Et perrexit exercitus Italiæ per partes Istriæ, alii per partes Campaniæ, nec non & alii per partes Sardiniaæ, & Africæ. Par modo venerunt * per Siciliam in ciuitatem Syracusanam, & Deo auxiliante interemptus est nec dicendus Mezzetius. Et multi ex iudicibus eius truncati, perduicti sunt Constantinopolim, simul & caput eiusdem Intartæ. Postmodum venientes Saraceni in Siciliam, obtinuerunt prædictam ciuitatem, & multam occisionem fecerunt * in populo, qui in castra, seu montana confugerant. Similiter & prædam nimiam fecerunt, & æs quod ibidem a ciuitate Romana delatum fuerat secum tollentes, Alexandriam reuersi sunt. Hic ecclesiam beati Petri, quæ est via Portuensi iuxta campum Meruli, vt decuit, restaurauit, at specierū, que dedicauit. Sed in monasterio sancti Erasmi, situm in Cælio monte, in quo * concreuisse visus est prædictus sanctissimus vir, multa noua ædificia augmentauit, sed * & casa sua congregatio salia conquisiuit, & in vita sua abbatem, vel congregacionem ibidem instituit. Post cuius transitum tantæ pluviæ & tonitrua fuerunt, quales nulla ætas hominum meminit esse, vt etiam homines & pecudes de fulgure interirent. Et nisi per litanias quæ quotidie fiebant Dominus esset propitiatus, non potuissent homines triturare, vel in hor-

Q q q iij